

**Etimoloxía asturiana ya etimoloxía romance:  
aportaciones mutues nun contestu de camudamientu  
metodolóxicu pendiente / *Asturian Etymology and  
Romance Etymology: Mutual Contributions in the  
Context of Ongoing Methodological Change\****

MARIA REINA BASTARDAS I RUFAT (UNIVERSITAT DE BARCELONA) &  
ÉVA BUCHI (ATILF; CNRS & UNIVERSITÉ DE LORRAINE) &  
ANA M<sup>a</sup> CANO GONZÁLEZ (ACADEMIA DE LA LLINGUA ASTURIANA &  
UNIVERSIDÁ D'UVIÉU)

**RESUME:** Nesti artículu esamínense les aportaciones mutues ente la etimoloxía asturiana y la etimoloxía románica. El métodu propuestu pol DÉRom pa la etimoloxía románica, esto ye la gramática comparada-reconstrucción, supón un cambéu sustancial na orientación de los estudios etimolóxicos románicos. Los resultaos que ta algamando esti proyeutu d'investigación recueyen l'aportación en forma de materiales y comentarios de los diccionarios etimolóxicos idiorromances. Nel casu del asturianu, el DELIA representa ún de los diccionarios etimolóxicos más avanzaos d'un dominiu romance; y nesti artículu analízase cómo'l DELIA, colos sos materiales y comentarios, contribuyó a la redaición de los artículos del DÉRom. En sen contrariu, faise una propuesta de reescritura del comentariu etimolóxicu d'un artículu del DELIA dende la perspeutiva y metodoloxía del DÉRom. El diálogu científicu ente los diccionarios etimolóxicos idiorromances y panromances y tamién ente la etimografía romance afitada nel paradigma clásicu y el DÉRom encontáu na reconstrucción resulta bien granible. Darréu que'l DELIA y el DÉRom tán en fase d'elaboración, esti diálogu pue ser de munchu provechu pa los dos diccionarios.

**Pallabres clave:** Etimoloxía, asturianu, romance, gramática comparada-reconstrucción, DÉRom, DELIA.

**ABSTRACT:** In this paper we examine the contributions made to each other by Asturian and Romance etymology. The method proposed for Romance etymology by the DÉRom project, namely comparative reconstruction, supposes a considerable change in the orientation of Romance etymological studies. The results yielded by this

---

\* El nuesu fondu agradecimientu al profesor Steven N. Dworkin, de la Universidá de Michigan, pola gabita que mos echó na redaición del resume n'inglés; y a ún de los evaluadores anónimos de *Lletres Asturianas* poles sos indicaciones sobre l'artículu de Leonard (1980).

project are partially based on data and analyses found in the etymological dictionaries of individual Romance languages (idio-Romance etymological dictionaries). In the case of Asturian, the DELIA represents one of the most advanced etymological dictionaries of a Romance language. In this article we analyse how the data and analyses offered in the DELIA contributed to the compiling of the DÉRom entries. We also propose a rewriting of the etymological commentary of a DELIA entry from the DÉRom's methodological point of view. The scholarly dialogue both between idio-Romance and pan-Romance etymological dictionaries and between Romance etymology based on the classic paradigm and the DÉRom, which is based on the comparative method, is most productive. As the DELIA and the DÉRom are both works in progress, this dialogue is apt to yield tangible profits for both projects.

**Key words:** Etymology, Asturian, Romance, comparative reconstruction, DÉRom, DELIA.

## 1. ENTAMU: EL CONTESTU DE CAMUDAMIENU METODOLÓXICU PENDIENTE

El trabayu que presentamos trata sobre'l camudamientu que se ta dando nel ámbitu de la etimoloxía románica y, más en concreto, nel ámbitu de la etimoloxía panrománica<sup>1</sup>. Persábase de magar delles décades que la obra panrománica cimera, el REW de Meyer-Lübke, merecía una revisión fonda. Por desgracia, dalgunos entamos nesti sen nun granaron.

En 2007, nel venticincoavu Conceyu Internacional de Llingüística y Filoloxía Romániques n'Innsbruck, una de nosotres presentó con Wolfgang Schweickard una comunicación titulada «À la recherche du protoroman: objectifs et méthodes du futur *Dictionnaire Étymologique Roman* (DÉRom)» (Buchi & Schweickard 2010) que pesllaba con un llamamientu xeneral a la collaboración. Agora bien, el proyeutu DÉRom nun s'enfotaba cenciellamente nuna reactualización del REW colos materiales de los que se dispón güei (Schweickard 2010). El so oxetivu yera más bien el de poner en práutica la orientación metodolóxica anovadora encamentada por Jean-Pierre Chambon en dos publicaciones de recién (Chambon 2007; 2010), esto ye, l'aplicación a los romances d'un métodu que, por cuenta los bayurosos testimonios escritos del llatín, nun se camentaba de munchu interés pa la llingüística románica: la gramática comparada-reconstrucción (ver yá Leonard 1980). Una descripción d'esa téunica investigadora pue atopase nos manuales de llingüística histórica xeneral, por exemplu nel capítulo «Comparative reconstruction» de Hock (1986: 581-626), na seición «The Comparative Method (the Central Concept)» d'Anttila (1989: 229-263) o nel capítulo «The Comparative Method: Basic Procedures» de Fox (1995: 57-91).

<sup>1</sup> Ver Chambon 2007; 2010; en prensa c; Buchi & Schweickard 2008; 2009; 2010; 2011a; 2011b; en prensa; Andronache 2010; Buchi 2010b; 2012; en prensa a; Buchi, Chauveau, Gouvert & Greub 2010; Heideimeier 2011; Kramer 2011; Vårvaro 2011a; 2011b; Schweickard 2012.

En cinco años, el proyeutu DÉRom viose favoreció por un granible moviementu d'afiliación. Anguaño, aconceya a 53 llingüístes romanistes de doce países europeos, un informáticu y dos documentalistes.

La páxina web del DÉRom (<http://www.atilf.fr/DERom>) ufre delles informaciones sobre'l proyeutu: l'equipo, los acontecimientos d'agora y d'enantes, la nomenclatura de los artículos a redactar, la bibliografía, etc. Pero, sobre too, apurre un sofítu de publicación provisional pa los artículos redactados ya iguaos nos tres niveles de revisión (revisión per dominios llingüísticos, revisión xeneral y revisión cabera) aguardando'l so asoleyamientu nun volume en 2014. Pel momentu, doscientos artículos aproximaos tán más o menos redactados y setenta puen baxase llibremente de la páxina web. Amás, trenta y ocho publicaciones al marxe del DÉRom peresplicquen les premises teóriques y metodolóxicques del dicionariu y saquen beneficiu de los sos primeros resultaos<sup>2</sup>, y delles otres en rellación col DÉRom tán iguándose: por exemplu, nel próximu Conceyu Internacional de Llingüística y Filoloxía Romániques, que se fairá en xunetu del 2013 en Nancy, lleeráanse quince comunicaciones derromianes (ver páxina web <http://www.atilf.fr/DERom>, seición «Actualités et historique»).

Dende'l puntu de vista metodolójicu, el DÉRom estrémase enforma nel paisaxe de la etimoloxía románica por cuenta la so orientación hacia la gramática comparada-reconstrucción. Si bien ye esi'l paradigma hexemónicu de la etimoloxía heriede de toles families llingüístiques del mundu, representa, sicasí, una novedá pa los romanistes. Reconstruyendo los sos étimos a partir de series de cognaos romances, esto ye d'unidaes lexicales emparentaes ente elles pola mor de la herencia común del protorromance, los redactores del DÉRom trabayen por un averamientu de la etimoloxía romance a la etimoloxía céltica, xermánica, eslava, indoeuropea, bantú, austronesia, etc., y, d'esta miente, al inxerimentu de la etimoloxía románica na llingüística xeneral (ver Buchi en prensa a).

Una consecuencia práutica de la escoyeta en favor de la gramática comparada cinco a los significantes de los étimos del dicionariu: preséntense en notación fonolóxica y lleven asteriscu. Esti asteriscu nun indica que los étimos nun tean atestigüaos (baxo la forma de correllatos) nel llatín escritu, sinón qu'aseñala, acordies col modelu de les práutiques de les demás families llingüístiques, que foron reconstruyíos pel métodu de la gramática comparada. Práutica tala ye chocante enforma pa los romanistes, inclusive hasta pa los meyor dispuestos, cuando s'en-

<sup>2</sup> Alletsguber en prensa; Andronache 2010; en prensa a; en prensa b; Bastardas i Rufat 2011; en prensa; Bastardas i Rufat & Buchi 2012; Bastardas i Rufat, Buchi & Cano González en prensa; Benarroch en prensa a; en prensa b; en prensa c; Buchi 2010a; 2010b; 2012; en prensa a; Buchi, Chauveau, Gouvert & Greub 2010; Buchi, González Martín, Mertens & Schlienger en procesu d'evaluación; Buchi & Reinhardt 2012; Buchi & Schweickard 2008; 2009; 2010; 2011a; 2011b; 2011c; en prensa; Buchi & Spiridonov 2012; Celac & Buchi 2011; Chambon 2011; en prensa b; en prensa c; Delorme 2011; Florescu 2009; 2012; en prensa; Heidemeier 2011; Kramer 2011; Schweickard 2010; 2012.

frenten per primer vegada con un artículu del DÉRom. Xebrándose perclaramente de la tradición románica, el DÉRom ye responsable del «dépaysement épistémologique» (del «esllarigamientu epistemolóxicu») del que fala Jean-Pierre Chambon (en prensa a).

Por razones fondes d'oposición a la nueva metodoloxía, pero quiciabes tamién por cuenta d'esti rasgu llamaderu de la cadarma superficial del diccionariu, dellos romanistes critiquen con munchu puxu la metodoloxía emplegada nel DÉRom; como predixera yá Leonard (1980: 40): «Those equipped fo face the issues will welcome the opportunity to try their steel; but those so equipped are few, and most others who think of themselves as diachronic Romance linguists will react with bewilderment, if not with hostility, to the removal of their orthodoxy». El futuru dirá cuál sedrá l'éxitu de la gramática comparada-reconstrucción nel ámbitu romance y si tamos o non énte un nuevu paradigma de la investigación en llingüística románica. Mentanto, intentaremos amosar no que sigue por qué nos paez interesante a nosotres.

Nesti trabayu vamos comentar namái dalgunes de les aportaciones mutues ente'l DÉRom y la etimografía de la llingua asturiana.

## 2. APORTACIONES DE LA ETIMOLOXÍA ASTURIANA A LA ETIMOLOXÍA ROMANCE

### 2.0. *Introducción*

Por suerte, los estudios etimolóxicos del asturianu avanzaron enforma nes décades caberes gracies sobre too a les investigaciones de Xosé Lluis García Arias. Enantes de los sos trabayos, la obra cimera yera, primero, el *Diccionario crítico etimológico de la lengua castellana* (DCEC) de Joan Corominas y, llueu, el *Diccionario crítico etimológico castellano e hispánico* (DCECH) de Joan Corominas y José Antonio Pascual, lóxicamente na so vertiente hispánica. Por suerte, García Arias punxo a disposición de la redaición del DÉRom el manuscritu del so *Diccionariu etimolóxicu de la llingua asturiana* (DELIA), del que tenemos dalgunos avances espublizaos pola Academia de la Llingua Asturiana col títulu de *Propuestes etimolóxicques* (García Arias 2000-2009). Ye xustamente'l fechu de que García Arias ponga a disposición de los redactores del DÉRom los artículos inéditos del DELIA lo que fai que l'asturianu sía una de les llingües d'in-xerimientu obligáu nos artículos del nuesu diccionariu. Anque tanto'l DELIA como les *Propuestes etimolóxicques* son obres de consulta obligada pa los redactores, hai que decatase de que ye nos artículos del DELIA onde ta la documentación histórica más completa sobre'l lema tratáu y, darréu d'ello, ye esta obra la que, de xuru, tenemos que manexar. El DELIA, d'otru llau, tien en cuenta la formación de les variedaes diatópiques de la llingua y los camudamientos semánticos producidos a lo llargo de la historia dende l'étimu propuestu.

La visión diacrónica del léxicu asturianu complétase con un diccionariu dialeutolóxicu, tamién de García Arias, el *Diccionario general de la lengua asturiana* (DGLA). Y arriendes d'ello, el diccionariu normativu de l'Academia de la Llingua Asturiana, *Diccionariu de la Llingua Asturiana* (DALIA). Estes tres obres, el diccionariu normativu del asturianu actual (DALIA), el diccionariu dialeutal (DGLA) y l'históricu-etimolóxicu (DELIA) son los tres pegollos u s'enconta l'estudiu del léxicu asturianu.

### **2.1. Contribución a la reconstrucción d'étimos protorrománicos**

Como yá se dixo, la metodoloxía del DÉRom afítase na reconstrucción. Esto ye, pártese de los lexemes románicos que se supón que tienen un orixe común, y compruébase si esto ye asina reconstruyendo, dende esos lexemes románicos, l'étimu del que proceden. Nesti procesu refúgense, entós, les formes que respuenden a un cultismu, a un empréstatu interrománicu, a una anovación puntual idiorrománica o a otros procesos d'esti calter que nun dexen ufiertar una continuidá direuta ya ininterrumpida a partir del étimu.

Ye xustamente'l procesu inversu al que siguieren tradicionalmente los diccionarios etimolóxicos panrománicos o idiorrománicos. La tabla sinóptica que sigue (tabla 1) espeya esti procesu con un par de exemplos (apartáu 1): na primera fila ta'l casu de les designaciones del octavu mes del añu, *agostu*. Un diccionariu como'l DCECH recueye les formes romániques *y*, *llueu*, arreblagando sobre'l vacíu, atribúi-yos un étimu nuna forma llatino-clásica; una forma en nominativu, con *-s* final, con una vocal curtia, con un diptongu anicial, etc. Trátase d'una convención, –puen dicir dalgunos–, porque dende *llueu* cualquier romanista sabe que les formes romániques proceden d'una forma ensin diptongu, que'l sistema vocálicu del protorrománicu nun tien una oposición llarga/curtia, etc. Pero ye importante solliñar que nun se trata de que nel DÉRom empleguemos unes convenciones d'escritura distintes sinón que ye un métodu distintu; con tolo qu'esto lleva arreyao conceptual y científicamente.

El sistema tradicional demuestra nidiamente la so insuficiencia cuando los que lu prautiquen se ven obligaos a separtase d'él: si daquién emplega un métodu científicu, esti tendría que ser válidu pa poder aplicalu a tolos casos que tien qu'esplicar. Y, pal métodu tradicional, esto nun ye asina. Nesti sen, si nos fixamos na fila segunda de la tabla 1, onde se conseñen los étimos pa les designaciones del segundu mes del añu, *febreru*, podemos decatarnos de que mentanto Corominas y Pascual nel DCECH apurren como étimu'l llatín clásicu FEBRUARIUS, equí ensin indicación de la cantidá vocálica, García Arias nel DELIA decidióse por FEBR(U)ARIUS, cola *-u-* ente paréntesis, indicando asina que les formes romániques, nesti casu asturianos, nun s'axusten a un étimu con *-u-* sinón a un étimu ensin ella. En tou casu, la escritura del étimu de García Arias amuesa qu'esti llin-

Contribución a la reconstrucción d'étimos protorrománicos		
Étimos DÉROM	Étimos DELIA	Otros (DCECH, etc.)
1) Reconstrucción d'étimos panrománicos		
*/a'gost-u/ s.m. «mois qui suit juillet et précède septembre» <b>ast. <i>agostu</i></b> (dp. 1169 [ <i>agosto</i> ], DELIAMs; AriasPropuestas 1, 206; DGLA)	S.v. <i>agostu</i> : Del llat. AUGŪSTUS nome d'un mes n'honor del emperador <i>Octavio Augusto</i>	S.v. <i>agosto</i> : del lat. AUGŪSTUS <i>id.</i> , nombre puesto en memoria del emperador Octavio Augusto. <i>1<sup>a</sup> doc.</i> : 1192
*/fɛ'βrari-u/ s.m. «mois qui suit janvier et précède mars» <b>ast. <i>febreru</i></b> (dp. 1250 [ <i>febrero</i> ], DELIAMs; DGLA)	S.v. <i>febreru</i> : Del nome del mes FEBR(U)ARIUS	S.v. <i>febrero</i> : descendiente semiculto del lat. FEBRUARIUS <i>id.</i> <i>1<sup>a</sup> doc.</i> : doc. de 1129
2) Reconstrucción d'étimos con continuidá frayada		
2.1) Frayamientu semánticu		
*/lɛβ-a-/ IV. */lɛ'β-a-re/ transitivu 'transportar' <b>ast. <i>llevar</i></b> (dp. 1145 [ms. 1295] [ <i>lieue</i> subj. prés. 3], DELIAMs; DGLA)	S.v. <i>llevar</i> : Del llat. LEUĀRE 'llevar', 'elevar', 'alzar', 'despegar', 'remover una carga', 'allixerar' (EM s.v. <i>lĕuis</i> ; OLD; ABF), verbu panrománicu (REW) ya panhispanicu (DEEH)	S.v. <i>llevar</i> : del lat. LĒVARE 'aliviar', 'levantar', 'desembarazar'; <i>1<sup>a</sup> doc.</i> : orígenes del idioma (Glosas Emilianenses y Silenses, <i>Cid</i> , etc.)
*/klam-a-/ I. */kla'm-a-re/ 'glayar' II. */kla'm-a-re/ 'apellar (pa llograr l'atención)' <b>ast. <i>llamar</i></b> (dp. 1255 [ <i>llame</i> prés. 3], DELIAMs; DGLA) III. */kla'm-a-re/ 'proclamar' <b>ast. <i>llamar</i></b> v.pron. (dp. 1296 [ <i>laman</i> prés. 6], DELIAMs) IV.1. */kla'm-a-re/ 'llamar (denomar)' <b>ast. <i>llamar</i></b> (dp. 1232 [ <i>laman</i> prés. 6], DELIAMs; DGLA) IV.2. */kla'm-a-re/ reflexivu 'llamase, apellase' <b>ast. <i>llamar</i></b> (DGLA; DELIAMs)	S.v. <i>llamar</i> : Del llat. CLAMARE (cfr. <i>clamar</i> ), per vía popular, con resultaos fónicos acordies colo que ye d'aguardar pa CL- nel dominiu ástur (GHILA 4.4.8)	S.v. <i>llamar</i> : del lat. CLAMARE 'gritar', 'clamar', 'exclamar', a veces 'llamar'; <i>1<sup>a</sup> doc.</i> : <i>clamare</i> , 2 <sup>a</sup> mitad del s. X, glosas de Silos; <i>llamar</i> , <i>Cid</i>
2.2) Frayamientu por remorfologización		
*/plan't-agin-e/ I. */plan't-agin-e/ s.f. Sustantivu orixinal II. */plan't-agin-a/ s.f. Remorfologización <b>ast. <i>llantaina</i></b> (dp. s. 17 [ms. 19 <sup>e</sup> s.], DELIAMs; LAsturianos 28, 83; AriasPropuestas 3, 89; DGLA) III. */plan't-agin-e/ s.m. Camudamientu de categoría <b>ast. <i>llantén</i></b> «espèce de plante du genre <i>Plantago</i> à feuilles ovales et à longue hampe ( <i>Plantago major</i> L.), grand plantain» (DELIAMs; LAsturianos 28, 83; AriasPropuestas 3, 89; DGLA)	S.v. <i>llantén, el</i> : Del femenín llat. <i>plantāgo, -inis</i> 'llantén' (EM), panrománicu (REW) ya hispánicu (DEEH; DCECH s.v. <i>planta</i> ). Dende l'acusativu PLANTAGINE > <i>*llantaine</i> xustificuense dos tendencies nidies nel idioma: a) perda de la vocal palatal final, d'u sigue'l resultáu <i>llantén</i> ; los resultaos en <i>-l</i> nun son sinón niciu del tracmundiu <i>-n, -l</i> como los que vemos n'exemplos en <i>-in, -il</i> (GHILA 242); b) percauterización del xéneru col pasu de <i>-E</i> → <i>-a</i> , d'u surde l'actual <i>llantaina</i> (GHILA §3.1.1.1.2; 3.3.2; 3.3.7.1; 4.5.8). [S.v. <i>llantaina</i> : pa la etimoloxía empobina a <i>llantén</i> ]	S.v. <i>planta</i> : DERIV. <i>llantén</i> [Nebr.], de PLANTĀGO, -AGĪNIS, <i>id.</i> , derivado de PLANTA 'planta del pie', probablemente por comparación de las largas hojas del llantén menor, caracterizadas por sus cinco nervios, que se compararon con los cinco dedos y nevaduras correspondientes del pie humano

2.3) Frayamientu acordies col xéneru		
<p>* /pont-e/</p> <p>I. * /pont-e/ masc. orixinal</p> <p>II. * /pont-e/ femenín (fasteres llaterales y aisllaes)</p> <p><b>ast. ponte</b> (dp. 912 [ms. 12<sup>o</sup> s.], DELIAMs; DGLA)</p> <p>III. * /pont-e/ masc. anovador</p>	<p>S.v. <i>ponte, la</i>:</p> <p>Del masc. llat. PŌNS, PONTIS ‘ponte’, ‘pasera’ (EM; OLD s. v. <i>pons, pontis</i>), panrománicu (REW s.v. <i>pons, pōnte</i>) ya panhispanícu (DEEH; DCECH s.v. <i>puente</i>). [...] L’ast. nun amuesa nos documentos consultaos l’apaición d’un continuador masculín del llat. PONTEM</p>	<p>S.v. <i>puente</i>: del lat. PONS, PŌNTIS, <i>id. 1<sup>o</sup> doc.</i>: orígenes (doc. de 1043, Oelschl.; <i>Cid</i>, etc.)</p>
<p>* /sal-e/</p> <p>I. * /sal-e/ masc. orixinal</p> <p>II. * /sal-e/ femenín anovador</p> <p><b>ast. sal</b> (dp. 1291, DELIAMs; DGLA)</p> <p>III. * /sal-e/ masc. restauráu</p> <p><b>ast. sal</b> (dp. 914/924, DELIAMs; DGLA)</p>	<p>S.v. <i>sal, el/la</i>:</p> <p>el sal [Rs. Cñ. Ac. Ll. Sd. Qu. Tb. Sm. Md. Bab. PSil. Gr. Pr. Tox. Oc. /Mánt/. Arm. Llomb]. ////la sal [Lln. Pa. Bi. Llv. Sb. JH].        ////el/la sal [Pr].</p> <p>Del masc. y neutru llat. SĀL, SĀLIS ‘sal’ (EM), panrománicu (REW) ya panhispanícu (DEEH). La documentación medieval del dominiu ástur amuesa posibilidaes destremaes de xéneru</p>	<p>S.v. <i>sal</i>: del lat. SAL, SALIS, <i>id. 1<sup>o</sup> doc.</i>: Berceo</p>
<p>* /lakt-e/</p> <p>I. * /lakt-e/ neutru</p> <p>II. * /lakt-e/ masculín</p> <p><b>ast. occid. lleche</b> (DGLA; DELIAMs)</p> <p>III. * /lakt-e/ femenín</p> <p><b>ast. orient. lleche</b> (dp. 1253 [leche], DELIAMs; DGLA)</p>	<p>S.v. <i>lleche, el/la</i>:</p> <p>////el [Tb. Sm. Md. PSil. Gr. Sl. Vd. Oc. Tox. Eo]. ////la [Cb. Cg. Ac. Llg. Sb. Tox. Mar. JH. R].</p> <p>D’una variante masculina LACTE iguada del neutru llat. <i>lac, lactis</i> ‘lleche’ (EM), con continuadores panrománicos (REW) ya panhispanícos (DEEH). Los términos asturianos combínense, xeneralmente, con art. <i>el</i> nel occidente y con <i>la</i> nel centro-oriente [...]</p>	<p>S.v. <i>lleche</i>: del lat. vg. LACTE (lat. cl. LAC, LACTIS) <i>id. 1<sup>o</sup> doc.</i>: <i>leiche</i>, doc. de 1129, (Oelschl.); <i>lleche</i>, Berceo, etc.</p>

**Tabla 1: Aportaciones de la etimoloxía asturiana a la etimoloxía romance**

güista ye consciente del fechu de que la escritura tradicional de los étimos nun abasta.

Si se repara nos dos étimos correspondientes del DÉRom compruébase, dexando a un llau la «vistidura esterna» en forma de notación fonolóxica, qu’estos étimos son los que se puen ufiertar reconstruyendo a partir de la forma asturiana (señalada tamién nel cuadru) y los sos conxéneros románicos. Nun fai falta dicir que nel DÉRom les formes asturianas contribuyen, n’igualdá xunto colos otros 19 romances, a la reconstrucción del étimu.

El métodu anovador que proponemos permite perpasar les insuficiencias que mencionábemos y non solo esto: permite acompañar la historia de la pallabra, enllenando’l vacíu del que falábemos enantes, y facer realidá la fórmula ya clásica de la «etimoloxía como historia de la pallabra», pescanciando la pallabra nel so sen más plenu como signu llingüísticu; col so significante, el so significáu y la so microsintaxis. Esto pue advertise sobre manera colos exemplos que siguen na tabla 1, xebrados en tres apartaos baxo l’epígrafe 2) «Reconstrucción d’étimos con continuidá frayada».

Efeutivamente, pal DÉRom fízose una llista d’étimos que se suponíen panrománicos o cuasi panrománicos basada en Fischer (1969). La investigación llevada alantre tuvo como resultáu que, anque dellos d’estos étimos como los mentaos

primero son daveres panrománicos (o casi, teniendo en cuenta que'l DÉRom fixó una llista de 20 llingües romániques), n'otros pervése una frayadura. En dellos casos trátase d'una frayadura sofitada en fechos de fonética histórica, yá que la investigación etimolóxica llevó a proponer, pa lo que se suponía un étimu únicu, dos étimos xebraos en dos artículos separtaos: \*/as'kult-a-/ *versus* \*/es'kult-a-/ o \*/a'pril-e/ (con siguidor asturianu) *versus* \*/a'pril-i-u/, presente namái en dalgunes zones; o a formular étimos «bicéfalos»: \*/ϕen-u/ ~ \*/ϕen-u/ o \*/kas'tani-a/ ~ \*/kas'tmi-a/, los dos primeros con continuidá asturiana (masque la de \*/ϕen-u/ mui curtia), frente a los dos segundos, d'estensión mermada.

Quiciabes son estos étimos con frayamientos los que nos dexen albidrar meyor la vida de la pallabra, porque la reconstrucción desanubre aspeutos del protorromance que pasaron inalvertíos por cuenta del «grafocentrismu» del que fala Jean-Pierre Chambon (2010: 63 y 68) pa la etimoloxía románica.

Nel apartáu 2 de la tabla 1 hai dellos tipos d'étimos con una continuidá frayada. Los primeros, baxo 2.1., son los que presenten una frayadura semántica. Nel casu del artículu \*/lɛβ-a-/ la redactora, Anne-Marie Guiraud, xebro l'artículu en cuatro apartaos acordies col so significáu (respeutivamente, «quitar», «tomar», «llevar» y «tresportar»), amosando que toos ellos s'inxeren en fases distintes del protorromance. Como se pue ver nel cuadru, l'asturianu ta representáu namái en IV 'tresportar', indicándose nel comentariu del artículu que ye una anovación tardía del protorromance ibéricu («En revanche, le sens «transporter» (IV.), attesté en espagnol, asturien et galégo-portugais, se dénonce comme une innovation tardive du protorroman régional d'Ibérie»). Los otros, presentes yá sía en rumanu y/o en sardu, revélense como significaos nel protorrománicu más antiguu, anterior a la separtación de los protorrománicos d'estes fasteres. Esta reconstrucción del significáu supera la de los diccionarios tradicionales (ver Buchi 2012) qu'enumeren, ensin más, los diversos significaos del llatín LEUARE, hasta inclusive dellos de los que nun se tresmitieron a los romances (por poner un casu 'allixerar'). Nel DÉRom el llatín emplégase sólo *a posteriori* y equí vemos cómo la documentación llatina (o la falta d'ella) contribúi a confirmar la hipótesis fecha a partir de la reconstrucción: el significáu del protorrománicu hispánicu nun ta atestiguáu en llatín (colo que, arriendes d'ello, constátase qu'enumerar los significaos del llatín pa esplicar la etimoloxía hispánica nun abasta). Nestos casos (ver tamién el casu del exemplu \*/klam-a-/), ye mui afechisca la detallada descripción semántica que se fai nel DELIA del léxicu asturianu.


Otres vegaes, la frayadura del protorromance tien aniciu n'aspeutos de morfoloxía. Inxerimos na tabla 1 un casu onde l'asturianu tien un interés particular: el sustantivu \*/plan't-agin-e/, en 2.2. Trátase orixinariamente d'un femenín (baxo I. romanu na cadarma del artículu), con una continuidá namái n'italianu. El protorromance fizo anovaciones en dos senes: una primera nel sen de variar la forma del étimu p'adautalu al xéneru femenín (baxo II. de la cadarma del artículu); esta ano-



vación ta presente tamién en rumanu, lo que lleva a proponer la so antigüedá (anterior a la separtación de la Dacia). Otra anovación alternativa foi camudar la categoría gramatical de la pallabra al masculín, más acordies cola so forma (baxo III. de la cadarma del artículu); esta anovación, anque perespardida, revélase como más seronda, llueu del sieglu III, porque nun algama a la Dacia. L'asturianu tien l'interés d'amosar les dos anovaciones como esplica dueitamente García Arias nel DELIA nel so comentariu etimolóxicu (segunda columna), que de xuru inspiraría al redactor románicu. Obsérvese l'enclín a la «etimoloxía remota» del DCECH (3ª columna), qu'esplica l'orixe etimolóxicu de la pallabra llatina (inclusive influyendo esti enclín na cadarma del diccionariu; *llantén* allúgase s.v. *planta*).

Recoyemos a lo cabero unos últimos exemplos de frayadura acordies col xéneru. Ver en 2.3. los casos de \*/pɔnt-e/, \*/sal-e/ (y \*/lakt-e/ que se comentará llueu).

Nestos casos trátase de sustantivos con una continuidá románica qu'alterna ente'l xéneru masculín y el femenín. La reconstrucción permitió afitar nellos (cada casu ye daqué distintu y convidamos a los llectores a ller l'artículu completu col so comentariu na web del DÉRom) la cronoloxía d'estes distintes fases y revelar por exemplu que, anque'l continuador de \*/pɔnt-e/ sía masculín en sardu y francés (por poner un casu), trátase de masculinos diacrónicamente distintos porque unu remonta al protorromance orixinal primitivu y l'otru a una anovación muncho posterior del protorrománicu central (ver mapa 1). Finalmente la



**Mapa 1: Repartición por xéneros de los continuadores romances de \*/pɔnt-e/β**

<sup>3</sup> Mapa ellaboráu acordies colos datos del artículu \*/pɔnt-e/ del DÉRom.


filoloxía diráanos que, pal español, *punte* masculín ye una anovación idiorromance moderna (sieglu diecisiete) y, darréu que nun ye del protorromance, queda xebrada en nota.

Nestos casos, los comentarios etimolóxicos del DELIA pal asturianu contribúin enforma al entendimientu d'estos fenómenos del protorromance. Alviértase que pa *punte* inclúise'l comentariu de que l'asturianu, acordies cola documentación manexada, nunca presentó'l xéneru masculín.

Pal casu de \*/sal-e/ l'asturianu ye particularmente interesante, porque trátese de la única llingua romance onde conviven los dos xéneros y ye nesta fastera una amuesa viva de la llende y la vacilación ente les dos tendencies (ver mapes 2 y 3).


## 2.2. Datación filolóxica del léxicu asturianu nel contestu iberorromance

Enantes d'analizar les aportaciones de la etimoloxía asturiana a la etimoloxía romance dientro d'esti apartáu, cuidamos que convendría nun escaecer que facer la etimoloxía d'un lexema hereditariu ye facer la etimoloxía d'un lexema que vivió «siempre» (esto ye, dende la esistencia de la protollingua). Darréu d'ello, y partiendo d'esta premisa, podríamos entruganos qué sentíu tien la datación de los



**Mapa 2: Repartición por xéneros de los continuadores romances de \*/sal-e/<sup>4</sup>**

<sup>4</sup> Mapa ellaboráu acordies colos datos del artículu \*/sal-e/ del DÉRom.



**Mapa 3: *El sal/la sal n'Asturies*<sup>5</sup>**

lexemes hereditarios nes obres etimolóxicques. La rempuesta, como ye sabío, ye que les dataciones son ún de los pegollos onde s'afita la investigación etimolóxica, xunto a la fonética histórica, la semántica, la dialeutoloxía, etc. Un lexema conseñáu dende la dómina medieval tien menos posibilidaes qu'otru que nun lo tea naquella dómina, de ser una creación romance dientro de la propia llingua o de ser un empréstanu o un calcu d'otra<sup>6</sup>. Poro, la gueta de les primeres documentaciones forma parte, ensin dulda denguna, de la investigación etimolóxica. Lóxicamente estes primeres documentaciones nun les podemos establecer si nun cuntamos con ediciones afayadices y fáciles d'algamar de la documentación medieval. Nel nuesu casu, el de la llingua asturiana, la documentación medieval del vieyu dominiu llingüísticu ástur ye antigua y bayurosa y ta editada la más d'ella, tanto la que cinca a la fastera al norte del cordal como la de la que s'alluga al sur (toos podemos facer alcordanza de les ediciones de la documentación de monesterios como los de Courias, Corniana o Balmonte; San Pelayo, San Vicente, Santa María de la Vega o Nava; Carrizo o Sahagún; de la Catedral d'Uviéu o de la de Lleón; de los conceyos d'Uviéu o d'Avilés, etc.), magar que non siempres lo tea, ye verdá, col procuru qu'a los filólogos y llingüistes mos pruyiría. Esa falta de procuru en dellos casos ye lo que llevó a l'Academia de la Llingua Asturiana a tomar el determinín de la creación de la Coleición Fontes de la Llingua Asturiana, de la que tenemos nestos momentos nueve volúmenes editaos con gran procuru filolóxicu,

<sup>5</sup> Mapa ellaboráu acordies colos datos remanaos de: DGLA; Álvarez Fernández-Cañedo (1963: 40); Díaz González (1986: 23); Fernández (1960: 53); Fernández (1980: 47); Fernández Vior (1997: 160); García García (1983: 149); Menéndez García (1963: 168); Rodríguez-Castellano (1954: 13, 194).

<sup>6</sup> Pa les tres clases etimolóxicques posibles (léxicu hereditariu, empréstanos y calcos, creaciones internes) cfr. Buchi en prensa b: 4.

esto ye, respetando vierbu a vierbu'l conteníu de los manuscritos correspondientes. Con too, n'Asturies gociamos d'un ciertu privilexu darréu que tenemos bien a la vera archivos de gran valir, como'l del Monesteriu de San Pelayo o'l de la catedral uvieína onde podemos consultar direutamente los manuscritos d'una parte valoratible de la nuesa documentación. Arriendes d'ello, l'accesu a les fontes medievales, no que cinca al DÉRom, tenémosla gracias a la base de datos del DELIA, que'l so autor, García Arias, pon a disposición de los redactores de los artículos del citáu diccionariu panrománicu. Y ello ye importantísimo porque la investigación etimolóxica avanza vanceyada siempre a la investigación filolóxica.

D'otru llau, cuando falamos de dataciones, referímonos en realidá a la datación filolóxica, non a la datación del léxicu ensin más. Y l'axetivu *filolóxica* ye nesti sintagma pertinente dafechu. Tenemos que ser conscientes de que cuando fixamos la primer datación d'un lexema tamos refiriéndonos a una documentación filolóxica, en sí mesma siempre provisional. Y ye siempre provisional porque dende'l puntu de vista llingüísticu hai continuidá ininterrumpida dende'l protorromance hasta l'asturianu. D'ehí que lo correutu seya emplegar formulaciones del tipu «documentáu a partir de... / dende...». Eses primeres dataciones filolóxiques han ser lo más precisas posible, no que cinca a la fecha, a la fonte onde se conseña, a la categoría gramatical, al so significante y al so significáu (pa lo que se fai dacuando necesariu'l contestu nel qu'apaez). Nesti sen, espresiones como dalgunes de les del DCECH que citamos darréu resulten insuficientes dafechu y puen llevar a confusión: Pa *febrero*: 1<sup>a</sup> doc.: doc. de 1129; pa *agosto*: 1<sup>a</sup> doc.: 1192; pa *barba*: 1<sup>a</sup> doc.: Orígenes (*Cid*, etc.); pa *dormir*: 1<sup>a</sup> doc.: Orígenes del idioma (*Cid*, etc.); o n'otros casos 1<sup>a</sup> doc.: Orígenes del idioma, ensin más precisión.

El DELIA, nesti casu, otra vuelta ta más averáu a los principios del DÉRom (ver tabla 2) porque (a) ufierta siempre la fecha, el significante y la fonte; y (b) porque al ufiertar el contestu u s'atopa l'exemplu podemos decatarnos, al marxe de que s'esplicite o non nel comentariu, de la significación o de cuestiones morfolóxiques d'interés (ver, nesti sen, la documentación medieval del artículo *lleche* del DELIA, que reproducimos más alantre baxo § 3).

### 2.2.1. Fecha del desaniciamientu de lexemes de la llingua antigua

Si non siempre los diccionarios o les obres etimolóxiques ponen procuru n'ufirir les primeres documentaciones, menos entá lo ponen n'apurir la cabera documentación cuando se trata d'un lexema que nun vivió más allá de la llingua antigua. Y equí, una vegada más, los materiales y la redaición de los artículos del DELIA son de gran valir pa tratar axustadamente esti aspeutu.

Fixémonos nel artículo *\*/mon't-ani-a/* (ver tabla 2): el DÉRom fixa'l términu dientro de les llendes de la dómina medieval, ufiertando la primera y la cabera da-

tación (aast. *montaña* (1288 [*montanna*] – 1496; DELIAMS)<sup>7</sup>, lóxicamente a partir de los datos ufríos pol DELIA, onde la entrada va siguida d'un significativu asteriscu (*montaña, la\**) y del comentariu «Términu que conocemos pela documentación medieval». Al fechu de que güei la dialeutoloxía nun ufre exemplos del emplegu d'esti términu (Ø DGLA) ha amestase'l dueitu comentariu de García Arias nel DELIA que compartimos dafechu:

«Güei l'usu n'ast. del términu *montaña* 'elevación, monte' paez responder a un castellanismu aunque ye verdá que la voz ta asitiada de vieyo na nuesa documentación y alita en toponimia (TA 62). La documentación medieval danos anuncia del usu axetivu y nominal aunque la insuficiencia gráfica nun dexa precisalo como prestaría. La documentación medieval, aunque los nuegos datos ufríos nun la agoten, amuesa curtios resultaos y la documentación medieval de 1496 ta en documentu iguáu en castellán lo que nos empobina más nel sen de considerar que yá na Edá Media nun tendría puxu'l términu *montaña* ente nós. Ye verdá que llueu apaez nel sieglu XVII pero namái curtiamente nun poema d'Antón de Marirreguera onde refugar los castellanismos nun ye la so norma, lo que tamién podría ser niciu de ser préstamu castellán modernamente ente nós, como ensin dulda lo ye tamién que na nuesa lliteratura entame a ser frecuente de magar lo cabero del sieglu XIX».

### 2.2.2. *L'asturianu ufierta dataciones anteriores a les de les otres llingües romances de la Península Ibérica*

L'inxerimientu de los artículos del DELIA nel DÉRom permítenos poder facer una comparanza rápida y granible ente los datos de les distintes llingües romanes y decatanos, darréu d'ello, d'otres cuestiones d'interés. Asina, y siguiendo coles primeres dataciones filolóxiques, el DÉRom pon a les clares que, de los 70 artículos redactaos, en cinco (daqué más del siete por cientu), les dataciones del asturianu son anteriores a les de los otros romances hispánicos, talo que se pue ver na tabla 2 baxo 2):

- Pa \*/a'gust-u/ la primer datación filolóxica del asturianu ye del añu 1169, mentanto que la del español ye de 1192, la del gallego-portugués de 1242/1252 y la del catalán de los caberos años del sieglu XIII.
- Pa \*/'deke/, el primer rexistru conséñase nel *Fueru d'Uviéu* del añu 1145, tresmitíu en copia de 1295, mentanto que pal español tenemos qu'aguardar al añu 1254/1270; pal gallego-portugués, a 1255; y pal catalán, a antes de 1315.
- Pa \*/'dent-e/, la primera documentación apruz nel *Fueru d'Uviéu* (dp. 1145 [*dientes* pl.; ms. 1295]), n'español nun lo fai fasta aproximadamente 1196, en gallego-portugués fasta 1264/1284 y en catalán fasta'l sieglu XIII.

<sup>7</sup> El DÉRom nun tien en cuenta otres dataciones anteriores, nin del lexema en testos llatinos o llatinizantes nin documentaciones indireutes pente medies de la toponimia.

<b>Datación filolóxica del léxicu asturianu nel contestu iberorromance</b>		
<b>1) Fecha del desanicamientu de lexemes de la llingua antigua</b>		
*/mon't-ani-a/ <b>aast.</b> <i>montaña</i> (1288 [ <i>montanna</i> ] – 1496; DELIAMs)	S.v. <i>montaña, la*</i> : Términu que conocemos pela documentación medieval [...] Del llat. *MONTĀNEA femenín del axetivu * <i>montaneus</i> fechu sol axetivu llat. <i>montanus</i> (EM) ‘rellativu al monte’, ‘con munchos montes’ (ABF), responsable del ast. <i>montán</i> (cfr.)	S.v. <i>monte</i> : DERIV. <i>montaña</i> [ <i>Cid</i> ], del lat. vg. *MONTANĒA (pl. n. de un adxetivu *MONTANEUS, del cual deriva el <i>montanosus</i> documentado en agrimensores latinos)
<b>2) L'asturianu ufierta dataciones anteriores a les de les otres llingües romances de la Península Ibérica</b>		
<b>Étimu DÉRom</b>	<b>DÉRom documentación asturiana</b>	<b>DÉRom documentación d'otres llingües ibériques</b>
*/a'gost-u/	<b>ast.</b> <i>agostu</i> (dp. 1169 [ <i>agosto</i> ], DELIAMs; AriasPropuestas 1, 206; DGLA)	<b>cat.</b> <i>agost</i> (dp. fin 13 <sup>e</sup> s., DECat 1, 72; DCVB), <b>esp.</b> <i>agosto</i> (dp. 1192, DEM; Kasten/Cody; DCECH 1, 74; DME), <b>gal./port.</b> <i>agosto</i> (dp. 1242/1252, DDGM; Buschmann; DRAG <sub>1</sub> ; DELP <sub>3</sub> ; Houaiss; CunhaVocabulário <sub>2</sub> )
*/dêke/	<b>ast.</b> <i>diez</i> (dp. 1145 [ms. 1295], DELIAMs; DGLA; ALPI 70)	<b>cat.</b> <i>deu</i> (dp. av. 1315, DCVB; DECat 3, 104-107; ALPI 70), <b>esp.</b> <i>diez</i> (dp. 1254/1270, Montgomery-Mateo 52; Kasten/Cody; DCECH 2, 493-494; DME; ALPI 70), <b>gal./port.</b> <i>dez</i> (dp. 1255, DELP <sub>3</sub> ; DDGM; Buschmann; DRAG <sub>1</sub> ; CunhaVocabulário <sub>2</sub> ; Houaiss; ALPI 70)
*/dent-e/	<b>ast.</b> <i>diente</i> (dp. 1145 [ <i>dientes</i> pl.; ms. 1295], DELIAMs; DGLA)	<b>cat.</b> <i>dent f./m.</i> (dp. 13 <sup>e</sup> s., DECat 3, 64; MollSuplement n° 1142; DCVB), <b>esp.</b> <i>diente</i> m. (dp. ca 1196, CORDE; Kasten/Cody; DCECH 2, 491-492; DME; Kasten/Nitti); <b>gal./port.</b> <i>dente</i> (dp. 1264/1284, TMILG; DDGM; Buschmann; DRAG <sub>1</sub> ; DELP <sub>3</sub> ; Houaiss; CunhaVocabulário <sub>2</sub> )
*/f̥e'βrari-u/	<b>ast.</b> <i>febreru</i> (dp. 1250 [ <i>febrero</i> ], DELIAMs; DGLA)	<b>cat.</b> <i>febrer</i> (dp. ca 1330, DECat 3, 922; DCVB), <b>esp.</b> <i>hebrero</i> (1252 – 1627, DME; CORDE; DCECH 2, 877), <b>gal.</b> <i>febreiro</i> / <b>port.</b> <i>fevereiro</i> (dp. 1253/1254 [ <i>feuerero</i> ], DDGM; Buschmann; DRAG <sub>1</sub> ; DELP <sub>3</sub> ; Houaiss; CunhaVocabulário <sub>2</sub> )
*/part-e/	<b>ast.</b> <i>parte</i> (dp. 1145 [ms. 1295], DELIAMs; DGLA)	<b>cat.</b> <i>part</i> (dp. 1211, DCVB; MollSuplement n° 2476; DECat 6, 308-313), <b>esp.</b> <i>parte</i> (dp. 1148, CORDE; Kasten/Cody; DCECH 4, 414-415; DME; Kasten/Nitti), <b>gal./port.</b> <i>parte</i> (dp. 1209, LegesConsuetudines 1, 889 = DDGM; DRAG <sub>1</sub> ; DELP <sub>3</sub> ; Houaiss; CunhaVocabulário <sub>2</sub> )

Correición a una práctica lexicográfica peligrosa: les dataciones 'pancastellanizantes'		
DÉRom		DCECH
<p>*/'kul-u/  <b>esp.</b> <i>culo</i> (dp. 1141, CORDE; Kasten/Cody; DCECH 2, 287; DME), <b>ast.</b> <i>culu</i> (dp. 1155 [culo], DELIAMs; AriasPropuestas 3, 182; DGLA)</p>		<p>S.v. <i>culo</i>: del lat. CŪLUS 'id.'  <i>1ª doc.</i>: orígenes del idioma (1155, <i>Fuero de Avilés</i>, Oelschl.; etc.).  Secundariamente, en Asturias 'el ojo de la aguja' (V).  DERIV. <i>Culada. Culas. Culapa</i> 'especie de troglodita, de color negro en el lomo y blanco en el vientre' ast. (V)</p>
<p>*/'kasi-u/  <b>esp.</b> <i>queso</i> (dp. 980, DCECH 4, 721; DME; Kasten/Nitti), <b>ast.</b> <i>quesu</i> (dp. 927 [ms. 12º s.; queso], DELIAMs; DGLA)</p>		<p>S.v. <i>queso</i>: del lat. CASEUS 'id.'  <i>1ª doc.</i>: <i>kayso</i>, doc. leonés de 955</p>
<p>*/'klam-a-/  II. */'kla'm-a-re/ 'apelar (pa llograr l'atención)  <b>esp.</b> <i>llamar</i> (dp. ca 1140 [lamo prés. 3], MenéndezPidalCid 3, 127; DME; Kasten/Cody; DCECH 3, 721-722; NTLE), <b>ast.</b> <i>llamar</i> (dp. 1155 [se clamar fut. subj. 3], DELIAMs; DGLA)  III. */'kla'm-a-re/ 'proclamar'  <b>esp.</b> <i>llamar</i> (dp. fin 12º/déb. 13º s. SmithCid 206; DCECH 3, 721-722),  <b>ast.</b> <i>llamar</i> v.pron. (dp. 1296 [laman prés. 6], DELIAMs)  IV.1. */'kla'm-a-re/ 'llamar (denomar)  <b>esp.</b> <i>llamar</i> (dp. ca 1140 [llamar hedes fut. 5], MenéndezPidalCid 3, 127; DME; DCECH 3, 721-722; NTLE), <b>ast.</b> <i>llamar</i> (dp. 1232 [laman prés. 6], DELIAMs; DGLA)  IV.2. */'kla'm-a-re/ reflexivu 'llamase, apellase'  <b>esp.</b> <i>llamar</i> (dp. 1270, Kasten/Cody; NTLE), <b>ast.</b> <i>llamar</i> (DGLA; DELIAMs)</p>		<p>S.v. <i>llamar</i>: del lat. CLAMARE 'gritar', 'clamar', 'exclamar', a veces 'llamar'.  <i>1ª doc.</i>: <i>clamare</i>, 2ª mitad del s.X, glosas de Silos; <i>llamar</i>, <i>Cid</i>.  <i>Clamar</i> es la forma normal en Berceo (p. ej. 892c, 908d), <i>Auto de los Reyes Magos</i>, <i>Fuero de Avilés</i> y algún otro texto arcaico</p>

**Tabla 2: Datación filológica del léxicu asturianu**

- Pa \*/'φe'βrari-u/, el continuador asturianu rexístrase dende 1250, mentanto que l'español failo dende 1252, el gallego-portugués dende 1253/1254 y el catalán dende aproximadamente 1330.
- Pa \*/'part-e/, la primera datación del asturianu ye de 1145 [ms. 1295], mentanto que la del español ye de 1148; la del gallego-portugués, 1209; y la del catalán, 1211.

### 2.3. Correición a una práutica lexicográfica peligrosa: les dataciones ‘pancastellanizantes’

Otra importante ventaya de la participación asturiana nel DÉRom, al mayor altor de competencia, ye la d’intentar poner un poco d’orde nes fontes emplegaes en determinaes obres de la lexicografía hispánica, que con un enfotu ‘pancastellanizante’ empleguen dacuando fontes asturianas pa fixar les primeres dataciones o como documentación histórica o incluso moderna del español. Ye lo qu’asocede, por exemplu, en dellos casos nel DCECH (ver tabla 2) col *Fueru d’Avilés*<sup>8</sup> o cola coleición de documentos editaos y estudiaos por Staaff en 1907 (ha tenese en cuenta que l’índiz cronolóxicu de fontes castellanes –páxs. LXVII-LXVIII– inxer fontes asturianas como Rato y Vigón, amás del yá citáu *Fueru d’Avilés*), error repitíu llueu n’obres posteriores que copien ensin más procuru los datos ufiertaos pol DCECH.

Nel mesmu sen, nel diccionariu del español medieval de Lloyd A. Kasten y Florian J. Cody (1946) afáyase tamién ente les fontes emplegaes, col número 60, el *Fueru de Zamora*.

Un casu bien llamaderu ye’l del *Diccionario medieval español* de Martín Alonso (1986). Especialmente significativa ye la so *Introducción a la lexicografía medieval* (páxs. IX-LVII) onde se dedica un apartáu a la *Gramática y léxico de Mio Cid y el Fuero de Avilés*, señalando qu’esti últimu «otorgado por Alfonso VII en 1155, se consideró mucho tiempo como el más antiguo documento escrito en nuestro romance» (páx. XXVIII). Arriendes d’ello, ente les obres y autores que cita como autoridaes (páxs. LIX-LXXII) atópense, ente otros, el *Cartulario del Monasterio de Cornellana* editáu por A.C. Floriano Cumbreño, el *Cartulario de San Vicente de Oviedo*, la *Colección histórico-diplomática del Ayuntamiento de Oviedo*, los documentos editaos por Staaff (1907), el *Fueru d’Avilés*, el *Fueru de Zamora*, etc.

### 3. POSIBLES APORTACIONES DEL DÉRom A LA ETIMOLOXÍA ASTURIANA

Si ye fácil, como venimos de ver, espeyar les ufiertes de la etimoloxía asturiana, y más en particular de la pergranible obra de Xosé Lluis García Arias, incluyendo’l so *Diccionariu etimolóxicu de la Llingua Asturiana* (DELIA) en preparación, pa la etimoloxía romance, lo contrario nun lo ye tanto. N’efectu, el DELIA representa’l modelu más perfechu de tolos diccionarios etimolóxicos monolingües del dominiu romance y nun se ve con facilidá cómo’l DÉRom lu podría ameyorar o facer más granible, sobre manera porque yá inxer una dimensión panrománica per aciu de les sos remisiones al *Romanisches Etymologisches*

<sup>8</sup> El *Fueru d’Avilés*, por exemplu, conséñase como primera documentación castellana a lo menos pa: *autor, azumbre, barato, basura, calumnia, calle, censo, condesar, contendor, cualque, culo, dedo, denostar, denuesto, descalzo, directo, estable, fuego, fulano, manceba, manteca, matador, niño, pesquisa, portaje, pregonero, queda, redimir, romeo, talento, tercio, tiempo, trabar, tregua y vaina.*



*Wörterbuch* (REW) y, en menor medida, al *Diccionario crítico etimológico castellano e hispánico* (DCECH) de Corominas y Pascual y al *Diccionario etimológico español e hispánico* (DEEH) de García de Diego.

Sicasí, la sola plusvalía del DÉRom en cuantes al DELIA ye la que'l DÉRom pue proponer en rrellación a tolos diccionarios etimolóxicos del dominiu romance, esto ye, el so inxerimientu na metodoloxía de la gramática comparada-reconstrucción. Darréu d'ello, lo que sigue sedrá, más que verdaderes ufiertes pal DELIA, seña de lo qu'estrema la nueva metodoloxía de la metodoloxía clásica aplicada pola mayoría de los representantes de la etimografía romance.

Una manera mui concreta d'amosar en qué aspeutos el métodu ascendente del DÉRom s'alloña del métodu descendente aplicáu clásicamente n'etimoloxía románica consiste en proponer la reescritura d'artículos de los diccionarios etimolóxicos esistentes acordies colos principios de la gramática comparada. Ye lo que fizo una de nosotres xunto con otros tres miembros del DÉRom, hai dos años, nel segundu conceyu mundial de llingüística francesa (Buchi, Chauveau, Gouvert & Greub 2010). Nesta publicación propúnxose una nueva versión del apartáu etimolóxicu de los artículos *charme* 'carpe', *faire* 'facere' y *foin* 'fenu' del *Trésor de la langue française* (TLF), que nun ye un diccionariu etimolóxicu, sinón un diccionariu xeneral, pero un diccionariu que podemos considerar como'l meyor diccionariu etimolóxicu francés monolingüe disponible, gracias a los apartaos etimolóxicos que contién cada artículu.

Vamos a intentar facer el mesmu exerciciu col artículu *lleche* del DELIA, que reproducimos darréu:

### **lleche, el/la**

< *l. lleche* [Ay]. *llechi* [y Lln. Ca. Pr]. *lleiche* [y Md. Ondes, Soutu los Infantes (Oc). Sl]. *l. lleiche* [Tb. Banduxu, Vallouta (Oc)]. *lleichi* [Pr. Mar]. *lleite* [Mar. /Eo/]. *l. leite* [Sm. y Md. Bab. Pzu. PSil. As. Cn (MG). An. Cv. Soto, Sm, Cn, Alm (Oc). Vd]. *l. leitsi* [Qu. Tb. Sograndiu (Oc)]. +*l. liche* [Ay. Ll. Ri]. +*lliche* [y JH]. +*lliche* [y Cp. Sb]. {Con cheísmu, *cheite* [Vd. Tox]. Con yeísmu, *yeche* [Cl. San Pelayu (Oc)], *yeichi* [y Gr]}. *lleite* [Mánt]. *lleche* [SCiprián]. *llele* [Tb. Sm. Md. PSil. Gr. Sl. Vd. Oc. Tox. Eo]. *llella* [Cb. Cg. Ac. Llg. Sb. Tox. Mar. JH. R].>  
Cast. *leche* [Or (S). Lln. Os. Rs. Pa. Cb. Cg. Cp. GP. Ac. Llg. Sb. Ca. Ay. Ll. Ri. Sd. Qu. Tb. Sm. Cv. San Pelayu, Ondes, Soutu los Infantes, Sograndiu, Banduxu, Vallouta (Oc). Md. Bab. Pzu. PSil. As. Cn (MG). An. Sd. Gr. Pr. Sl. Vd. Tox. Mar. JH. R].

(1) *lac butirum et caseus debent uenire in usum monialium* 1210(or.) [MSAH-v/65]

(2) *lactis butiri et casei a gregibus et ab armento euenerit* 1210(or.) [MSAH-v/65]

(3) *quanta lech e manteca e queso uinier de oueias et de uacas* 1253(or.) [MSAH-v/272]

(4) *la leche e la manteca y el queso* 1253(or.) [MSAH-v/272]

(5) *de erua de leche de ganancias de mortuorum* 1286(or.) [MSAH-v/455]

(6) *vos ende venieren a la mano de ofrenda e leche de puerto* 1403(or.) [VC-ii/156]

(7) *Sorbiólo meyor que lliche* [1835, Los Trataos 14]

D'una variante masculina *LACTE* iguada del neutru llat. *lac, lactis* 'lleche' (EM), con continuadores panrománicos (REW) ya panhispánicos (DEEH). Los términos asturianos combínense, xeneralmente, con art. *el* nel occidente y con *la* nel centro-oriente anque nesti casu cola concordancia en *-o* nel referente pronominal pues trátase d'un nome non-cuntable.

Enantes de plantegar la nuesa propuesta, convién facer un análisis metalexico-gráficu mínimu del DELIA –lo que ye un llabor enforma particular, al ser un diccionariu entá non publicáu–. Un artículu tipu del DELIA contién cuatro apartaos: el lema (nesti casu *lleche, ella*), los materiales dialeutolóxicos (equí dende *l.leche* hasta *JH. R*), los testimonios históricos (nel casu presente hai siete testimonios, daos ente 1210 y 1835) y el comentariu etimolóxicu (que va equí dende *D'una variante masculina* hasta *d'un nome non-cuntable*). Alvertimos ente paréntesis que redactando'l capítulu «Etymological dictionaries» del *Oxford Handbook of Lexicography* (Buchi en prensa b), una de nosotres tuvo que consultar un gran númberu de diccionarios etimolóxicos monollingües, inclusive de dominios non románicos y non indo-europeos, y, darréu d'ello, podemos dicir con admiración que'l modelu estructural del DELIA ye'l más completu de tolos manexaos.

La nueva metodoloxía aplicada pol DÉRom nun aporta nada nin pal lema (asturianu), nin pa los materiales dialeutolóxicos, nin pa la documentación histórica: cinco namái al comentariu etimolóxicu. Por esti motivu, la nuesa propuesta de reescritura sólo tien en cuenta esti últimu apartáu (dende *D'una variante* fasta *d'un nome non-cuntable*).

Si'l DELIA quixera facer de so'l nuevu paradigma n'etimoloxía romance propuestu pol DÉRom –de nenguna manera queremos dicir que lo habría de facer y en tou casu sedría'l primer diccionariu monollingüe n'aplicalo–, el comentariu etimolóxicu del artículu *lleche* podría presentase con esta reescritura del testu del DELIA, qu'acueye los principios metodolóxicos del DÉRom:

«Siguidor del protorrom. \*/lakt-e/ s.n. 'lliquidu blanco que dan les mames de les femes de los mamíferos p'alimentar a les sos críes, lleche' (cf. llat. *lac, lactis* s.n. 'id.', EM), calteníu (1) como sustantivu neutru en rumanu, (2) pente medies d'un sustantivu masculín, de formación protorromance más seronda, nuna llarga fastera central y occidental (sacante gascón, catalán y castellán) del dominiu romance, incluyíu l'asturianu occidental, el gallegu y el portugués, y (3) pente medies d'un sustantivu femenín, de formación protorromance entá más recién, en venecianu, en languedocianu, en gascón, en catalán, en castellán y n'asturianu centro-oriental (onde se rexistra cola concordancia en *-o* nel referente pronominal pues trátase d'un nome non-cuntable)<sup>9</sup>. Cf. REW<sub>3</sub> s.v. *lac* / *\*lacte* y Delorme 2011/2012 in DÉRom s.v. *\*/lakt-e/*.»

<sup>9</sup> Hai que señalar qu'esta indicación ente paréntesis, dao que nun s'aplica en particular al lexema *lleche* sínón a una clas de lexemes na que s'inxer, nós sacaríemosla del comentariu etimolóxicu y treslladaríemosla al lema con una categorización del tipu «s.m./f. non-cuntable». La esplicación xeneral del fenómenu diría nel entamu del diccionariu.

Analizaremos agora en qué aspectos s'estremen eses dos versiones del comentariu etimolóxicu.

### 3.1. *El glotónimu del étimu*

Nun fadrá falta explicar n'Asturies, onde hai una fuerte conciencia metallin-güística al rodiu de términos téunicos como *asturianu*, *leonés* y *asturiano-leonés*, la importancia teórica y conceptual de los glotónimos. Nel casu presente, el glotónimu *protorrom.* (pa *protorromance*) de la reescritura derromiana opónse al glotónimu *llatín* (*llat.* nel DELIA) emplegáu nel paradigma descendente. Usar el términu *protorromance* nun implica pa nada que consideremos l'antepasáu común de los idiomas románicos distintu del llatín: namái queremos indicar que se trata de la parte del sistema llingüísticu llatinu que se pue algamar pente medies del métodu comparativu. Poro, el protorromance ye una protollingua nel sentíu (2) de la definición de Campbell (2004: 125):

«*Proto-language*: (1) the once spoken ancestral language from which daughter languages descend; (2) the language reconstructed by the comparative method which represents the ancestral language from which the compared languages descend. (To the extent that the reconstruction by the comparative method is accurate and complete, (1) and (2) should coincide.)»

L'usu d'esti términu tien que ver tamién col nuesu enfotu d'averar la etimoloxía romance a la etimoloxía d'otres families llingüístiques –y d'andechar nuna etimoloxía xeneral (ver Buchi en prensa b: 14)–: el protorromance ye l'equivalente romance del protoeslavu, del protoxermánicu, del protocélticu, etc.

### 3.2. *El significante del étimu*


Como'l DCECH (que rexistra asina mesmu LACTE), pero al contrariu de los demás diccionarios etimolóxicos romances –por exemplu, el REW conseña «*lac* / \**lacte*» y el TLF «*lactem*» (con <m> final que nun ye pertinente)–, el DELIA presenta un étimu con un significante semeyu al étimu del DÉRom: namái la notación, convencional nel casu del DELIA y en trescripción fonolóxica nel casu del DÉRom, ye distinta. Poro, no que se refier al significante del étimu, el DELIA practica'l paradigma de la gramática comparada-reconstrucción *ante litterem* (nel dominiu romance), y el DÉRom nun pue depende-y nada.

### 3.3. *La microsintaxis del étimu*

Denomamos *microsintaxis* al comportamientu sintáuticu de los lexemes, que se modeliza en diccionarios per aciu d'indicadores como *verbu transitivu* o *sustantivu masculín*. Quiciabes sía, pal casu de *lleche*, la parte del comentariu eti-

molóxicu onde la dixebra ente'l métodu descendente clásicu y el métodu reconstructivu ye más llamadera.

Nel artículu orixinal del DELIA, l'étimu ye un sustantivu masculín, porque se diz: «D'una variante masculina LACTE iguada del neutru llat. *lac, lactis* 'lleche'». El lexema asturianu, pela parte de so, ye masculín delles vegaes y femenín delles otres, como lo esplica'l DELIA: «Los términos asturianos combínense, xeneralmente, con art. *el* nel occidente y con *la* nel centro-oriente anque nesti casu cola concordancia en *-o* nel referente pronominal pues trátase d'un nome non-cuntable» (ver mapa 4). L'análisis del DELIA pue pescanciase nel sen de que, al ser masculín l'étimu, el femenín asturianu representaría una anovación microsintáutica idiorromance.




**Mapa 4: Repartición por xéneros de lleche n'Asturies<sup>10</sup>**

Pero'l trabayu reconstructivu fechu por Jérémie Delorme, investigador postdoctoral na Universidá de Liexa y autor del artículu \*/lakt-e/ del DÉRom, que reproducimos nel anexu, amuesa que namái una parte de los cognaos romances provienen d'un étimu direutu masculín. En realidá, hai tres étimos direutos: un neutru (calteníu en rumanu), un masculín (calteníu nos más de los romances, del dálmata al portugués) y un femenín (calteníu nuna fastera más llendada, inxerta na fastera del masculín, que compriende más en particular el castellán y l'asturianu centro-oriental).

Sicasí, si hai un étimu direutu de xéneru neutru, otru de xéneru masculín y un terceru de xéneru femenín, tenemos qu'entruغانos cuál de los tres ye históricamente'l primeru. N'etimoloxía romance, el neutru tien que considerase siempre

<sup>10</sup> Mapa elaboráu acordies colos datos remanaos de: DGLA; Fernández (1960: 53); Fernández (1980: 47); Fernández Vior (1997: 160); García García (1983: 149); Menéndez García (1963: 168); Rodríguez-Castellano (1954: 13, 194).

orixinal, porque na nuesa familia llingüística'l neutru ye recessivu: namái se caltén como verdadera categoría gramatical en rumanu y en forma de restos en delles llingües romániques. Por esa razón, el DÉRom considera neutru'l protoétimu, que pertenez a la primer fase del protorromance, y analiza'l masculín y el femenín como anovaciones microsintáutiques non idiorromances, sinón protorromances. La fastera del femenín encartíyase dentro de la fastera del masculín, lo qu'indica, acordies con un análisis arial clásicu, que'l femenín ye de formación entá más seronda (ver mapa 5).



**Mapa 5: Repartición por xéneros de los continuadores romances de \*/lakt-e/<sup>11</sup>**

Poro, esplotando los resultaos d'investigación del artículu \*/lakt-e/ del DÉRom, la reescritura de la parte dedicada a la microsintaxis del étimu contién dos informaciones: primero, l'étimu protorromance común categorízase como «s.n.», esto ye «sustantivu neutru». Segundo, proponemos esplicar la frayadura del neutru orixinal en tres xéneros protorromances, llueu romances, nun comentariu en forma llargu:

«[Protorromance \*/lakt-e/ sustantivu neutru] calteníu (1) como sustantivu neutru en rumanu, (2) pente medies d'un sustantivu masculín, de formación protorromance más seronda, nuna llarga fastera central y occidental (sacante gascón, catalán y castellán) del dominiu romance, incluyíu l'asturianu occidental, el gallegu y el portugués, y (3) pente medies d'un sustantivu femenín, de formación protorromance entá más recién, en venecianu, en languedocianu, en gascón, en catalán, en castellán y n'asturianu centro-oriental [...].»

<sup>11</sup> Mapa elaboráu acordies colos datos del artículu \*/lakt-e/ del DÉRom.

### 3.4. *El significáu del étimu*

Nun hai muncha dixeбра ente'l significáu del étimu según ta indicáu nel comentariu etimolóxicu orixinal del DELIA ('lleche') y el de la reescritura ('líquidu blanco que dan les mames de les femes de los mamíferos p' alimentar a les sos críes, lleche'): nel primer casu, conséñase namái una glosa rápida, mentanto que nel segundu amiéstense una definición componencial y una glosa rápida, pero'l conteníu semánticu ye'l mesmu. Sicasí, esa estremación superficial traduz, na cadarma fonda, un procuru particular acordies cola definición de los étimos baxo'l nuevu paradigma: como los étimos nun son consideraos un datu ufiertáu n'*input*, si nun s'asitien claramente –y de manera reivindicativa– pel llau del *output*, la descripción de los étimos, esto ye, el so significante, la so microsintaxis y el so significáu, disponen de manera casi automática d'una vixilancia aumentada. Anque nesti casu la ufierta del nuevu paradigma ye percurtia, aldovínase la so importancia en casos onde la glosa rápida ye polisémica.

Y, pesllando yá esta estaya de «Posibles aportaciones del DÉRom a la etimoloxía asturiana», prestábanos dicir que, anque se puen ufrir aportaciones, estes nun son tan importantes como les que la etimoloxía asturiana, y más en particular el DELIA, puen ufiertar al DÉRom.

## 4. CONCLUSIÓN: PA UN ARRIQUECIEMTU MUTUU

Pa finar:

(1) Facemos de nueso les pallabres coles que García Arias ponía puntu en 2012 a la so contribución al homenaxe a la profesora Beatrice Schmid, esto ye, faciendo «un brinde pa dir a la gueta de más y meyores investigaciones so los nuevos dominios llingüísticos» (García Arias 2012: 228) y, en particular, sol dominiu llingüísticu ástur.

(2) Prúyenos, y con esi enfotu trabayamos, que'l diálogu ente etimoloxía y etimografía asturianos y etimoloxía y etimografía panromances seya constante y granible; y lo mesmo ente etimoloxía y etimografía fecha al abellugu del paradigma descendente clásicu y etimoloxía y etimografía fecha al abellugu del paradigma ascendente del DÉRom.

Y (3) El proyeutu DÉRom fai un brinde a los estudiantes interesaos de los másteres, de les vieyes llicenciatures de filoloxía o del Títulu Propiu de Filoloxía Asturiana pa que se venceyen al nuesu proyeutu redactando un artículu del mesmu como trabayu fin de máster, como tesina o como trabayu d'investigación ensin más. Ello supondría, pa los estudiantes, el so inxerimientu nun proyeutu internacional (l'equipu del DÉRom ayudaríalos nel so trabayu); y pa nós, la posibilidá de cuntar con nuevos artículos redactaos.

## 5. BIBLIOGRAFÍA<sup>12</sup>

- ALLETGRUBER, Julia (en prensa): «À la recherche d'une étymologie panromane: lexique héritaire roman et influence du superstrat germanique dans le DÉRom (*Dictionnaire Étymologique Roman*): le cas de \*/βad-u/ ~ \*/uad-u/ 'gué'», en Anne-Marie Chabrolle-Cerretini (ed.), *Actes du colloque «Romania: réalité(s) et concepts»*, Nancy, 6-7 octobre 2011. Limoges, Lambert et Lucas.
- ALONSO, Martín (1986): *Diccionario medieval español. Desde las Glosas Emilianenses y Silenses (s. X) hasta el siglo XV* (2 vol.). Salamanca, Universidad Pontificia de Salamanca.
- ÁLVAREZ FERNÁNDEZ-CANEDO, Jesús (1963): *El habla y la cultura popular de Cabrales*. Madrid, CSIC. [Anejo LXXXVI de *Revista de Filología Española*].
- ANDRONACHE, Marta (2010): «Le Dictionnaire Étymologique Roman (DÉRom): une nouvelle approche de l'étymologie romane», en *Dacoromania* 15: 129-144.
- (en prensa a): «Le statut des langues romanes standardisées contemporaines dans le DÉRom», en Emili Casanova & Cesáreo Calvo Rigual (eds.), *Actes del 26<sup>e</sup> Congrès Internacional de Lingüística i Filologia Romàniques (València 2010)*. Berlin/New York, De Gruyter.
  - (en prensa b): «La Romania du Sud-Est dans le DÉRom», en Anne-Marie Chabrolle-Cerretini (ed.), *Actes du colloque «Romania: réalité(s) et concepts»*, Nancy, 6-7 octobre 2011. Limoges, Lambert et Lucas.
- ANTILA, Raimo (1989<sup>2</sup> [1972<sup>1</sup>]): *Historical and Comparative Linguistics*. Amsterdam/Philadelphia, Benjamins.
- BASTARDAS I RUFAT, Maria Reina (2011): «École d'été franco-allemande en étymologie romane (Nancy, 26-30 de juliol de 2010)», en *Estudis Romànics* 33: 549-550.
- (en prensa): «El català i la lexicografia etimològica panromànica», en Emili Casanova & Cesáreo Calvo Rigual (eds.), *Actes del 26<sup>e</sup> Congrès Internacional de Lingüística i Filologia Romàniques (València 2010)*. Berlin/New York, De Gruyter.
- BASTARDAS I RUFAT, Maria Reina & Éva BUCHI (2012): «Aportacions del DÉRom a l'etimologia catalana», en Yvette Bürki & Manuela Cimeli & Rosa Sánchez (eds.): *Lengua, Lllengua, Llingua, Lingua, Langue. Encuentros filológicos (ibero)románicos. Estudios en homenaje a la profesora Beatrice Schmid*. Munich, Peniope: 19-32.
- BASTARDAS I RUFAT, Maria Reina & Éva BUCHI & Ana María CANO GONZÁLEZ (en prensa): «La etimología (pan-)románica hoy: noticias del *Dictionnaire Étymologique Roman* (DÉ-Rom)», en *Revista de Filología Románica*.
- BENARROCH, Myriam (en prensa a): «L'apport du DÉRom à l'étymologie portugaise», en Emili Casanova & Cesáreo Calvo Rigual (eds.), *Actes del 26<sup>e</sup> Congrès Internacional de Lingüística i Filologia Romàniques (València 2010)*. Berlin/New York, De Gruyter.
- (en prensa b): «L'étymologie du lexique héréditaire: en quoi l'étymologie panromane est-elle plus puissante que l'étymologie idioromane? L'exemple du DÉRom (*Dictionnaire Étymologique Roman*)», en Anne-Marie Chabrolle-Cerretini (ed.), *Actes du colloque «Romania: réalité(s) et concepts»*, Nancy, 6-7 octobre 2011. Limoges, Lambert et Lucas.
  - (en prensa c): «Latin oral et latin écrit en étymologie romane: l'exemple du DÉRom (*Dictionnaire Étymologique Roman*)», en Maria Helena Araújo Carreira (ed.), *Actes du colloque «Les rapports entre l'écrit et l'oral dans les langues romanes» (Université Paris 8 Vincennes-Saint-Denis, 9/10 décembre 2011)*.

<sup>12</sup> V. también la bibliografía actualizada del proyecto DÉRom en página web <http://www.atilf.fr/DE-Rom>, pestaña «Publications».

- BUCHI, Éva (2010a): «Pourquoi la linguistique romane n'est pas soluble en linguistiques idio-romanes. Le témoignage du *Dictionnaire Étymologique Roman* (DÉRom)», en Carmen Alén Garabato *et al.* (eds.), *Quelle linguistique romane au XXI<sup>e</sup> siècle?* Paris, L'Harmattan: 43-60.
- (2010b): «Where Caesar's Latin does not belong: a comparative grammar based approach to Romance etymology», en Charlotte Brewer (ed.), *Selected Proceedings of the Fifth International Conference on Historical Lexicography and Lexicology held at St Anne's College, Oxford, 16-18 June 2010*. Oxford, Oxford University Research Archive. <http://ora.ox.ac.uk/objects/uuid%3A237856e6-a327-448b-898c-cb1860766e59>.
  - (2012): «Des bienfaits de l'application de la méthode comparative à la matière romane: l'exemple de la reconstruction sémantique», en Bohumil Vykypěl & Vít Boček (eds.), *Methods of Etymological Practice*. Praga, Nakladatelství Lidové noviny: 105-117.
  - (en prensa a): «Cent ans après Meyer-Lübke: le *Dictionnaire Étymologique Roman* (DÉRom) en tant que tentative d'arrimage de l'étymologie romane à la linguistique générale», en Emili Casanova & Cesáreo Calvo Rigual (eds.), *Actes del 26<sup>e</sup> Congrès Internacional de Lingüística i Filologia Romàniques (València 2010)*. Berlin/New York, De Gruyter.
  - (en prensa b): «Etymological dictionaries», en Philip Durkin (ed.), *The Oxford Handbook of Lexicography*. Oxford, Oxford University Press.
- BUCHI, Éva & Jean-Paul CHAUVEAU & Xavier GOUVERT & Yan GREUB (2010): «Quand la linguistique française ne saurait que se faire romane: du neuf dans le traitement étymologique du lexique héréditaire», en Franck Neveu *et al.* (eds.), *Congrès Mondial de Linguistique Française - CMLF 2010*. Paris, Institut de Linguistique Française: <http://dx.doi.org/10.1051/cmlf/2010025>: 111-123.
- BUCHI, Éva & Carmen GONZÁLEZ MARTÍN & Bianca MERTENS & Claire SCHLIENGER (en proceso d'evaluación): «L'étymologie de FAIM et de FAMINE revue dans le cadre du DÉRom», en *Le français moderne*.
- BUCHI, Éva & Jan REINHARDT (2012): «De la fécondation croisée entre le LEI et le DÉRom», en Sergio Lubello & Wolfgang Schweickard (eds.), *Le nuove frontiere del LEI. Miscellanea di studi in onore di Max Pfister in occasione del suo 80<sup>o</sup> compleanno*. Wiesbaden, Reichert: 201-204.
- BUCHI, Éva & Wolfgang SCHWEICKARD (2008): «Le *Dictionnaire Étymologique Roman* (DÉRom): en guise de faire-part de naissance», en *Lexicographica. International Annual for Lexicography* 24: 351-357.
- (2009): «Romanistique et étymologie du fonds lexical héréditaire: du REW au DÉRom (*Dictionnaire Étymologique Roman*)», en Carmen Alén Garabato *et al.* (eds.), *La Romanistique dans tous ses états*. Paris, L'Harmattan: 97-110.
  - (2010): «À la recherche du protoroman: objectifs et méthodes du futur *Dictionnaire Étymologique Roman* (DÉRom)», en Maria Iliescu & Heidi Siller-Runggaldier & Paul Danler (eds.), *Actes du XXV<sup>e</sup> Congrès International de Linguistique et de Philologie Romanes (Innsbruck 2007)*. Berlin/New York, De Gruyter: 6: 61-68.
  - (2011a): «Sept malentendus dans la perception du DÉRom par Alberto Vârvaro», en *Revue de linguistique romane* 75: 305-312.
  - (2011b): «Ce qui oppose vraiment deux conceptions de l'étymologie romane. Réponse à Alberto Vârvaro et contribution à un débat méthodologique en cours», en *Revue de linguistique romane* 75: 628-635.
  - (2011c): «*Dictionnaire Étymologique Roman* (DÉRom): Internationale Sommerschule in Nancy», en *Lexicographica. International Annual for lexicography* 27: 329.



- (en prensa): «Per un’etimologia romanza saldamente ancorata alla linguistica variazionale: riflessioni fondate sull’esperienza del DÉRom (*Dictionnaire Étymologique Roman*)», en Marie-Guy Boutier & Pascale Hadermann & Marieke Van Acker (eds.), *Variation et changement en langue et en discours*. Helsinki, Société Néophilologique.
- БУЧИ, Ёва & Dmitri V. SPIRIDONOV (2012): «Новый лексикографический проект в романской этимологии: Dictionnaire Étymologique Roman (DÉRom)», en *Этнолингвистика. Ономастика. Этимология. Материалы Международной научной конференции, Екатеринбург, 8-10 сентября 2012 г.* Екатеринбург, Издательство Уральского университета: 1: 160-162.
- САНПБЕЛЛ, Lyle (2004<sup>2</sup> [1998<sup>1</sup>]): *Historical Linguistics. An Introduction*. Cambridge, MIT Press.
- CELAC, Victor & Ёва БУЧИ (2011): «Étymologie-origine et étymologie-histoire dans le DÉRom (*Dictionnaire Étymologique Roman*). Coup de projecteur sur quelques trouvailles du domaine roumain», en Anja Overbeck & Wolfgang Schweickard & Harald Völker (eds.), *Lexikon, Varietät, Philologie. Romanistische Studien Günter Holtus zum 65. Geburtstag*. Berlin/Boston, De Gruyter: 363-370.
- CHAMBON, Jean-Pierre (2007): «Remarques sur la grammaire comparée-reconstruction en linguistique romane (situation, perspectives)», en *Mémoires de la Société de linguistique de Paris* 15: 57-72.
- (2010): «Pratique étymologique en domaine (gallo-)roman et grammaire comparée-reconstruction. À propos du traitement des mots héréditaires dans le TLF et le FEW», en Injoo Choi-Jonin & Marc Duval & Olivier Soutet (eds.), *Typologie et comparatisme. Hommages offerts à Alain Lemaréchal*. Leuven/Paris/Walpole, Peeters: 61-75.
- (2011): «Note sur la diachronie du vocalisme accentué en istriote/istroroman et sur la place de ce groupe de parlars au sein de la branche romane», en *Bulletin de la Société de Linguistique de Paris* 106/1: 293-303.
- (en prensa a): «Étymologie lexicale, étymologie onomastique: quoi de neuf?», en Emili Casanova & Cesáreo Calvo Rigual (eds.), *Actes del 26é Congrés Internacional de Lingüística i Filologia Romàniques (València 2010)*. Berlin/New York, De Gruyter.
- (en prensa b): «Intervention à la table ronde ‘100 anys d’etimologia romànica: el REW de Meyer-Lübke: 1911-2010’», en Emili Casanova & Cesáreo Calvo Rigual (eds.), *Actes del 26é Congrés Internacional de Lingüística i Filologia Romàniques (València 2010)*. Berlin/New York, De Gruyter.
- (en prensa c): «Réflexions sur la reconstruction comparative en étymologie romane: entre Meillet et Herman», en Martin-D. Gleßgen & Wolfgang Schweickard (eds.), *Étymologie romane. Objets, méthodes et perspectives*. Estrasburgo, Société de Linguistique Romane.
- DALIA = ACADEMIA DE LA LLINGUA ASTURIANA (2000): *Diccionariu de la llingua asturiana*. Uviéu, ALLA: <http://www.academiadelalingua.com/diccionariu>.
- DCEC = COROMINAS, Joan (1954-1957): *Diccionario crítico etimológico de la lengua castellana*. Berna, Francke.
- DCECH = COROMINAS, Joan & José Antonio PASCUAL (1980-1991): *Diccionario crítico etimológico castellano e hispánico* (6 vol.). Madrid, Gredos.
- DEEH = GARCÍA DE DIEGO, Vicente (1989<sup>3</sup> [1954<sup>1</sup>]): *Diccionario etimológico español e hispánico*. Madrid, Espasa-Calpe.
- DELIA = GARCÍA ARIAS, Xosé Lluis (en preparación): *Diccionariu etimolóxicu de la Llingua Asturiana*.

- DELORME, Jérémie (2011): «Généalogie d'un article étymologique: le cas de l'étymon proto-roman \*/βi'n-aki-a/ dans le *Dictionnaire Étymologique Roman* (DÉRom)», en *Bulletin de la Société de linguistique de Paris* 106/1: 305-341.
- DÉRom = BUCHI, Éva & Wolfgang SCHWEICKARD (dir.) (2008-): *Dictionnaire Étymologique Roman* (DÉRom). Nancy: ATILF: <http://www.atilf.fr/DERom>.
- DGLA = GARCÍA ARIAS, Xosé Lluís (2002-2004): *Diccionario general de la lengua asturiana*. Uviéu, Editorial Prensa Asturiana (tamién <http://mas.lne.es/diccionario>).
- DÍAZ GONZÁLEZ, Olga J. (1986): *El habla de Candamo. (Aspectos morfosintácticos y Vocabulario)*. Uviéu, S. P. Universidad de Oviedo.
- FERNÁNDEZ, Joseph A. (1960): *El habla de Sisterna*. Madrid, CSIC. [Anejo LXXIV de *Revista de Filología Española*].
- (1980): «Aportaciones al estudio del bable de Occidente: El habla de Villarín (Salas): I. Fonología y morfosintaxis», en *RDTrP xxxv* (1979-1980): 33-66.
- FERNÁNDEZ VIOR, José A. (1997): *El habla de Vegadeo (A Veiga y su concejo)*. Uviéu, ALLA.
- FISCHER, Iancu (1969): «III. Lexicul. I. Fondul panromanic», en (Alexandru) Rosetti *et al.*, *Istoria limbii române*. Bucarest, Editura Academiei Republicii Socialiste România 2: 110-116.
- FLORESCU, Cristina (2009): «Limba română în *Dictionnaire Étymologique Roman* DÉRom (< *Romanisches Etymologisches Wörterbuch REW*)», en Luminița Botoșineanu, *et al.* (eds.), *Distorsionări în comunicarea lingvistică, literară și etnofolclorică românească și contextul european*. Iași, ALFA/Asociația Culturală «A. Philippide»: 153-159.
- (2012): «The Academic Dictionary of the Romanian Language ('Dicționarul academic al Limbii Române' – DLR). Lexicological Relevance and Romanic Context», en *Philologica Jassyensia* 8: 19-26.
  - (en prensa): «Dicționarul academic al Limbii Române (DLR). Relevanță lexicologică și context romanic», en Luminița Botoșineanu *et al.* (ed.): *Cultura și identitate românească. Tendințe actuale și reflectarea lor în diaspora*. Iași, Editura Alfa.
- FOX, Anthony (1995): *Linguistic Reconstruction. An Introduction to Theory and Method*. Oxford, Oxford University Press.
- GARCÍA ARIAS, Xosé Lluís (2000-2009): *Propuestas etimológicas*. (4 vol.). Uviéu, ALLA.
- (2012): «El *Diccionariu Etimolòxicu de la Lingua Asturiana* y el so interés comparativu», en Yvette Bürki & Manuela Cimeli & Rosa Sánchez (eds.), *Lengua, Llingua, Lingua, Langue. Encuentros filológicos (ibero)románicos. Estudios en homenaje a la profesora Beatrice Schmid*. Munich, Peniöpe: 215-230.
- GARCÍA GARCÍA, José (1983): *El habla de El Franco (una variante lingüística del Occidente de Asturias)*. Mieres, Instituto «Bernaldo de Quirós».
- HEIDEMEIER, Ulrike (2011): «Vom REW zum DÉRom: Theorie und Praxis der gesamtromanischen etymologischen Wörterbucharbeit», en *Romanistik in Geschichte und Gegenwart* 17: 167-194.
- HOCK, Hans Henrich (1986): *Principles of Historical Linguistics*. Berlin/New York/Amsterdam, De Gruyter.
- KASTEN, Lloyd A. & Florian J. CODY (2001<sup>2</sup> [1946<sup>1</sup>]): *Tentative Dictionary of Medieval Spanish*. New York, The Hispanic Seminary of Medieval Studies.
- KRAMER, Johannes (2011): «Latein, Proto-Romanisch und das DÉRom», en *Romanistik in Geschichte und Gegenwart* 17: 195-206.
- LEONARD Jr., Clifford S. (1980): «Comparative grammar», en Rebecca Posner & John N. Green (eds.), *Trends in Romance Linguistics and Philology. Volume 1: Romance Comparative and Historical Linguistics*. La Haya/París/Nueva York, Mouton: 23-41.

- MENÉNDEZ GARCÍA, Manuel (1963): *El Cuarto de los Valles (un habla del occidente asturiano)*. I. Uviéu, IDEA.
- REW = Meyer-Lübke, Wilhelm (1930-1935<sup>3</sup> [1911-1920<sup>1</sup>]): *Romanisches Etymologisches Wörterbuch*. Heidelberg, Winter.
- RODRÍGUEZ-CASTELLANO, Lorenzo (1954): *Aspectos de bable occidental*. Uviéu, IDEA.
- SCHWEICKARD, Wolfgang (2010): «Die Arbeitsgrundlagen der romanischen etymologischen Forschung: vom REW zum DÉRom», en *Romanistik in Geschichte und Gegenwart* 16: 3-13.
- (2012): «Le Dictionnaire Étymologique Roman (DÉRom) entre tradition et innovation», en David Trotter (ed.), *Present and future research in Anglo-Norman: Proceedings of the Aberystwyth Colloquium, 21-22 July 2011*. Aberystwyth, The Anglo-Norman Online Hub: 173-178.
- STAUFF, Erik (1992 [1907]): *Étude sur l'ancien dialecte léonais des chartes du XIII<sup>e</sup> siècle*. Uviéu, ALLA.
- TLF = IMBS, Paul & Bernard QUEMADA (dir.) (1971-1994): *Trésor de la langue française. Dictionnaire de la langue du XIX<sup>e</sup> et du XX<sup>e</sup> siècle (1789-1960)* (16 vol.). París, Éditions du CNRS/Gallimard.
- VÁRVARO, Alberto (2011a): «Il DÉRom: un nuovo REW?», en *Revue de linguistique romane* 75: 297-304.
- (2011b): «La ‘rupture épistémologique’ del DÉRom. Ancora sul metodo dell’etimologia romanza», en *Revue de linguistique romane* 75: 623-627.

## ANEXU: ARTÍCULU \*/LAKT-E/ DEL DÉRom

**\*/lakt-e/ s.n. «liquide blanchâtre (opaque, légèrement sucré) sécrété par les glandes mammaires»**

### I. Substantif neutre originel

**\*/lakt-e/ > dacorum.** *lapte* s.n. «liquide blanchâtre (opaque, légèrement sucré) sécrété par les glandes mammaires, lait» (dp. 1491/1516 [date du ms.], Psalt. Hur.<sub>2</sub> 190; Tiktin<sub>3</sub>; EWRS; Candrea-Densusianu n° 943; DLR; Cioranescu n° 4707; MDA; ALR SN 303, 309, 312)<sup>1</sup>, **istororum.** *lapte* (Mairesculstria 130; PuşcariuIstoromâne 3, 118, 190; SârбуIstoromân 222; KovačecRječnik 102 [Jug]; ALR SN 303, 312; ALIstro n° 1484)<sup>2</sup>, **méglénorum.** *lápti* (Candrea,GrS 3, 407; CapidanDicționar; WildSprachatlas 330; ALR SN 303, 309, 312)<sup>3</sup>, **aroum.** *lápte* (dp. 1770 [λάπτε], KavalliotisProtopeiria n° 0850; Pascu 1, 105; DDA2; BaraAroumain; ALR SN 309).

### II. Changement de genre: substantif masculin

**\*/lakt-e/ > dalm.** *lyat* s.m. «lait» (BartoliDalmatico 43, 318, 456 § 498; El-mendorfVeglia; MihăescuRomanité 98), **istriot.** *lato* (PellizzerRovigno; AIS 1199; ILA n° 1484), **it.** *latte* (dp. 1282, TLIOCorpus; DELI<sub>2</sub>; AIS 1199), **sard.** *látte* (DES; CasuVocabolario; AIS 1199), **frioul.** *lat* (PironaN<sub>2</sub>; AIS 1199), **lad.** *lât* (dp. 1763, Kramer/Thybussek in EWD; AIS 1199; ALD-I 396), **romanch.**

*lat/latg* (dp. 1560, GartnerBifrun 490 [*lat*]; Giger *in* DRG 10, 538-562; HWBRätoromanisch; AIS 1199), **fr.** *lait* (dp. 1<sup>ère</sup> m. 12<sup>e</sup> s., Gdf; GdfC; FEW 5, 110a; TL; TLF; DEAF; AND<sub>1</sub>; ALF 746), **frpr. occid.**  $\text{r[la]}$  (dp. *ca* 1220/1230 [*lait*], StimmÜbersetzungen 49; FEW 5, 110a; ALF 746), **occit.** *laitllach* (dp. 1<sup>ère</sup> m. 13<sup>e</sup> s., Raynouard; Levy; AppelChrestomathie 186; FEW 5, 110a-110b; Pansier 3; ALF 746), **ast. occid.** *lleche* (DGLA; DELIAMs), **gal./port.** *leite* (dp. 1257 [*lecte*], DDGM; DRAG<sub>1</sub>; DELP<sub>3</sub>; Houaiss<sub>2</sub>; CunhaVocabulário<sub>2</sub>).

### III. Changement de genre: substantif féminin

\***/lakt-e/** > **vén.** *late* s.f. «lait» (dp. 1390/1404, IneichenSerapiom 2, 141-142; RohlfHistGramm 2, § 385; AIS 1199 p 334, 345, 354, 367, 368, 378, 393)<sup>4</sup>, **lang. occid.** *lait* (dp. 1318, GuilhBarraG 74; Raynouard; Levy; FEW 5, 110b; ALF 746 p 750, 752, 773, 783-786, 792, 793 [Ariège, Aude, Haute-Garonne])<sup>5</sup>, **gasc.** *leit* (dp. *ca* 1330 [ms. *ca* 1410], LespyR; FEW 5, 110b; CorominesAran 533; ALF 746; ALG 979), **cat.** *llet* (dp. *ca* 1270, MollSuplement n° 1930; DCVB; DECat 5, 172-173), **esp.** *leche* (dp. 1129, DCECH 3, 615-616; Kasten/Nitti), **ast. orient.** *lleche* (dp. 1253 [*leche*], DELIAMs; DGLA).

**Commentaire.** – Tous les parlars romans sans exception présentent des cognats conduisant à reconstruire, soit directement, soit à travers des types grammaticalement évolués, protorom. \***/lakt-e/** s.n. «liquide blanchâtre (opaque, légèrement sucré) sécrété par les glandes mammaires, lait»<sup>6</sup>.

Les issues romanes de protorom. \***/lakt-e/** ont été subdivisées ci-dessus selon les trois genres dont elles relèvent: neutre originel, conservé par tous les rameaux de la branche roumaine (ci-dessus I.); masculin innové dans la majeure partie de la Romania (ci-dessus II.); féminin encore plus récent et plus restreint (ci-dessus III.), selon un processus de succession analysé dans Dardel, ACILR 14/2, 76-82<sup>7-8</sup>. Le masculin occupe notamment une vaste aire compacte de la Romania centrale: domaines dalmate, istriote, italien, sarde, frioulan, ladin, romanche, français, francoprovençal et occitan, prolongés toutefois à l'extrême ouest de la Romania, au-delà d'une solution de continuité correspondant à l'aire du féminin, par les domaines asturien occidental, galicien et portugais. Le féminin est localisé d'une part dans le domaine vénétien, d'autre part dans une aire à cheval entre la *Gallia* et l'*Iberia*.

Les trois genres de protorom. \***/lakt-e/** trouvent leur corrélation dans les données du latin écrit. Le corrélat du type I., *lac, -tis* s.n. «id.», est usuel durant toute l'Antiquité (dp. Ennius [\* 239 – †169], OLD), celui du type II., masculin, est connu depuis Pétrone (\* *ca* 12 – † *ca* 66, OLD)<sup>9</sup>, tandis que celui du type III., féminin, n'est attesté qu'à partir de Caelus Aurelianus et de l'Oribase latin (5<sup>e</sup>/6<sup>e</sup> s., TLL 7, 816).

**Bibliographie.** – MeyerLübkeGLR 1, § 223, 231, 418, 459; 2, § 9, 377; 3, § 31; REW<sub>3</sub> s.v. *lac*/\**lacte*; von Wartburg 1948 *in* FEW 5, 110a-115a, LAC; Er-

nout/Meillet<sub>4</sub> s.v. *lac, lactis*; LausbergSprachwissenschaft 1, § 207; 2, § 308, 430-435; HallPhonology 121; SalaVocabularul 194; StefenelliSchicksal 27; MihăescuRomanité 242-243.

**Signatures.** – **Rédaction:** Jérémie DELORME. – **Révision:** *Reconstruction, syntèse romane et révision générale:* Jean-Pierre CHAMBON. *Romania du Sud-Est:* Cristina FLORESCU; Maria ILIESCU. *Italoromania:* Giorgio CADORINI; Rosario COLUCCIA; Carli TOMASCHETT. *Galloromania:* Jean-Paul CHAUVEAU. *Ibéroromania:* Maria Reina BASTARDAS I RUFAT; Myriam BENARROCH; Ana BOULLÓN; Ana María CANO GONZÁLEZ. *Révision finale:* Éva BUCHI. – **Contributions ponctuelles:** Marta ANDRONACHE; Pascale BAUDINOT; Ana María CANO GONZÁLEZ; Victor CELAC; Robert DE DARDEL; Xosé Lluís GARCÍA ARIAS; Yan GREUB; Günter HOLTUS; Fernando SÁNCHEZ MIRET; Simone TRABER.

**Date de mise en ligne de cet article.** – **Première version:** 01/02/2011. **Version actuelle:** 03/09/2012.

1. L'appartenance de dacorum. *lapte* à la catégorie des neutres n'est pas décelée par LausbergSprachwissenschaft 2, § 653, qui le traite comme un masculin. Cette erreur, également commise dans le cas d'autres idiomes de la branche roumaine (cf. n. 2 et 3 ci-dessous), mais corrigée par Tiktin<sub>3</sub>, Candrea-Densusianu n° 943, DLR et MDA, est imputable à la principale valeur de quantification attachée aux continueurs de protorum. \*/lakt-e/, massique, qui tend à raréfier l'observation de formes de pluriel. Du reste, les rares formes de pluriel mentionnées dans la documentation représentent surtout des sens dérivés attachés à des unités fonctionnant comme *plurale tantum* (*lăpturi* s.f.pl. «laitages») ou variables en nombre, mais strictement masculines (*lapte* m.sg. [*lăpti* m.pl.] «traite»; *lapte* m.sg. [*lapți* m.pl.] «suc laiteux sécrété par une plante»).

2. Bien que SârбуIstroromân 222 donne istrorum. *lapte* pour masculin, la forme de pluriel *lapturi*, mentionnée dans Maioresculstria 130, répond clairement au féminin et justifie de situer ce substantif dans la catégorie des neutres. Pour ce qui est de la forme masculine relevée à Žejane par KovačecRječnik 102, comme l'auteur la donne après la forme neutre de Jug, on peut comprendre qu'il la considère comme secondaire.

3. CapidanDicționar donne méglénorom. *lăpti* pour masculin, bien qu'il cite *loptur* et *laptur* comme formes du pluriel et que ces formes, qui répondent au féminin, justifient de ranger ce substantif parmi les neutres, ce à l'encontre de DardelGenre 91, qui rattache les issues istroroumaine et méglénoroumaine de protorum. \*/lakt-e/ à la catégorie des masculins.

4. Dans la plupart des parlers vénitiens, le genre est cependant masculin.

5. On rencontre une attestation féminine dans le domaine limousin (ALF 746 p 602), mais sa situation isolée la fait paraître douteuse.

6. Plusieurs langues celtiques ont emprunté \*/lakt-e/ au protoroman: le breton (*laezh* s.m. «lait»), le cornique (*lêth*) et le gallois (*laeth*); cf. LothBrittoniques 180; PedersenKeltisch 1, 228; Deshayes.

7. De Dardel (DardelGenre 66-91; Dardel,ACILR 14/2, 76-82) postule toutefois une phase ultérieure caractérisée par la restauration du masculin aux dépens d'une partie des zones précédemment conquises au féminin.

8. Le cas de \*/lakt-e/ appelle la comparaison de \*/sanguin-e/ (cf. FEW 9, 178b) et, plus largement, selon un rapport d'analogie structurelle souligné dans Dardel,ACILR 14/2, 76-82 et DardelGenre 15-17, avec les cas de \*/mar-e/, \*/φel-e, \*/mel-e/ et \*/sal-e/.

9. Attestation plus ancienne, mais douteuse, chez Vitruve (TLL 7, 815).